



Broj: 14-14-15060-5/17

Datum: 08.03.2018. godine

Na osnovu člana 70. i člana 25. Zakona o javnim nabavkama ("Službeni glasnik BiH", broj: 39/14) i Zapisnika o pregledu i ocjeni ponuda, broj: 14-14-15060-4/17 od 17.01.2018. godine i Zapisnika broj: 14-14-15060-4-1/17 od 08.03.2018. godine, u postupku javne nabavke „Nabavka 5 (pet) novih putničkih automobila za potrebe ministarstava i kantonalnih organa uprave Zeničko-dobojskog kantona putem finansijskog leasinga“, direktor Službe za zajedničke poslove Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Ugovor za „Nabavka 5 (pet) novih putničkih automobila za potrebe ministarstava i kantonalnih organa uprave Zeničko-dobojskog kantona putem finansijskog leasinga“, dodjeljuje se ponuđaču „Mipex-auto RS“ d.o.o. Banja Luka, Bulevar Vojvode Stepe Stepanovića 185a, 78000 Banja Luka, kao najbolje ocijenjenom ponuđaču.
2. Ukupna cijena nabavke iznosi 186.950,00 KM bez PDV-a. Rata mjesečne leasing naknade iznosi 3.115,83 KM bez PDV-a, na period do 60 mjeseci.
3. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
4. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o javnoj nabavci 5 (pet) novih putničkih automobila za potrebe ministarstava i kantonalnih organa uprave Zeničko-dobojskog kantona putem finansijskog leasinga.
5. U skladu sa zahtjevima navedenim u tački 6.7 tenderske dokumentacije, ponuđač je dužan dostaviti Garanciju za dobro izvršenje ugovora.
6. Ova Odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
7. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
8. Za realizaciju ove Odluke zadužuje se Služba za zajedničke poslove i Ministarstvo finansija.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-15060/17 od 06.11.2017. godine, pokrenula postupak javne nabavke.

Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 219.550,00 KM sa PDV-om.

Ugovorni organ je objavio Obaviještenje o nabavci sa portala javnih nabavki: 771-1-1-29-3-22/17 od 13.11.2017. godine i u „Službenom glasniku BiH“ broj 83 dana 17.11.2017.godine.

Komisija za provođenje postupka javne nabavke, koja je imenovana Rješenjem broj: 14-14-15060-1/17 od 13.11.2017. godine, blagovremeno je izvršila javno otvaranje ponuda, te pregled i ocjenu ponuda i Zapisnikom od 17.01.2018. godine, konstatovala da su u predviđenom roku dostavljene dvije ponude: UNO d.o.o. Tešanj i MIPEX-AUTO RS d.o.o. Banja Luka.

Nakon pregleda i ocjene ponuda naprijed navedenih ponuđača, Komisija je u Zapisniku od 17.01.2018. godine konstatovala da se ponuda ponuđača UNO d.o.o. Tešanj odbacuje na osnovu člana 68. stav (4) tačka i) Zakona o javnim nabavkama (Službeni glasnik BiH, broj: 39/14), odnosno da ponuda nije potpuna i ne ispunjava zahtjeve iz tenderske dokumentacije.

Komisija je konstatovala da je ponuda ponuđača MIPEX-AUTO RS d.o.o. Banja Luka privatljiva, te da su dostavljeni svi traženi dokazi propisani tenderskom dokumentacijom. Ponuda ponuđača Mipex-auto RS d.o.o. Banja Luka uklapa se u procjenjenu vrijednost javne nabavke.

Međutim, ponuđena mjesečna rata leasing naknade veća je za 115,83 KM/mjesečno, odnosno za 6.949,80 KM/60 mjeseci. U vezi sa svim gore navedenim, zatražena je saglasnost Vlade Zeničko-dobojskog kantona koja je i dobijena Zaključkom Vlade broj: 02-14-3404/18 od 26.02.2018. godine, čime su se stekli uslovi za nastavak postupka javne nabavke i donošenje Odluke o izboru najpovoljnijeg ponuđača.

Na osnovu gore navedenog, donesena je odluka kao i dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 2x Ponuđači
2x tenderska dokumentacija

